



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

An propter manducationem & post actionem Sacramenti, donetur remissio
peccatorum. tit. 91

urn:nbn:de:hbz:466:1-29452

cie? si totum Sacramentum, corpus & sanguinem
cur id non sufficit? si partem, tunc diuidunt Sacramen-
tum, & accipiunt frustulatim, Sed ubi præcepit hoc
(id est, vtrunque speciem sumere) Christus laicis non
celebrantibus &c?

*AN PROPTER MANDUCA-
tionem & post actionem Sacramenti, da-
netur remissio peccatorum.*

TITVLVS XCI.



Primò, saluator noster Christus verum
quodque Sacramentum instituit, pro-
pter speciale suum opus & efficaciam
sic Bap̄tismum, vt in illo accipiamus
primum per fidem remissionem pecca-
torum, sicut Amor. 2. Petrus dicit: Baptizetur quis
in remissionem peccatorum in nomine Christi. In Ba-
ptismo donatur igitur remissio peccatorum: ad hoc
opus est institutum.

Secundò, instituit Christus Sacramentum peni-
tentiae, vt per illud lapsi iterum impetrent gratiam &
remissionem peccatorum. Mar. 1. Pœnitentiam agite, &c.
dicit Euangelio, Mat. 3. & 4. Pœnitentiam agite, &c.
Ad hoc opus, id est, remissionem peccatorum, hæc duo
Sacramenta propriè sunt instituta, sicuti verba Chris-
ti sonant Mar. vlt. Qui crediderit & baptizatus fue-
rit, saluus erit. & Mat. 3. & 4. Pœnitentiam agite, &c.
propinquabit regnum cœlorum, &c.

Tertiò, instituit Christus Eucharistiam in memo-
riam passionis suæ, id est, vt circa illud, pensamus cau-
sam cur Christus natus ac passus sit, id est, propter nos-
tra peccata, Rom. 4. vt nos saluaret, & pro nobis factus
victima, Esa. 53. ne tam grande beneficium Dei
obliuisceremur, sicut Iudæis præcepit manducare
agnum paschalem annuè, ne obliuiscerentur benefi-
cij liberationis ex Aegypto, Exod. 12. Sic Paulus præ-
dicat

erat hoc Sacramento vtendum esse in memoriã pas-
sionis, 1. Corint. 11.

Quartò, si Eucharistia esset instituta ad remissio-
nem peccatorum, tunc tollerentur è medio hæc duo
Sacramenta, id est, Baptismus & pœnitentia: non es-
set opus baptizare aut pœnitere. Nam per solam
sumptionem Sacramenti impetrarem remissionem
peccatorum & sic illa duo Sacramenta gratis essent
instituta.

Quintò, si hæc doctrina esset vera, nemo posset in-
dignè sumere Sacramentum: sed quanto magis pec-
cator, tanto digniùs communicaret: non impediret
odium, hæresis, fornicatio, adulterium, &c. & sic non
fuisse opus Paulo admonere, vt primùm quis sese
probet, conscientiam examinando, ne indignè man-
ducat, 1. Cor. 11. & iniuriam fecisset Paulus 1. Cor. 5. ei
qui cum nouerca peccauit, quòd eum tradidit Satha-
næ & excommunicauit secundum corpus, ad pœni-
tentia coëgit &c. potuisset dicere: Ecce grauius pec-
casti, sed vade, accipe Sacramentum ad remissionem
peccatorum &c. Vides hîc qui sint, qui non secundũ
instituitionem Christi vtuntur hoc Sacramento &c.

Sextò, forma ergo Ecclesiæ Catholicæ est, vt pri-
mum confitearis, & absoluaris à peccato. Ad hoc e-
nim clausula sunt ordinatæ, Ioan. 20. si manducatio tol-
leret peccatum, ad quid opus essent clausulae? Secundò,
Absolutus à peccatis, communicat ad incorporatio-
nem cum Christo, vt conforteris per Sacramentum,
ne facilè recedas à Christo, cadas à fide, & in peccata
atque scandala, Ioannis sexto. Qui manducat me,
manet in me, & ego in eo. Et iterum, Nisi manducaue-
ritis carnem filij hominis &c. Remissio igitur pecca-
torum non consistit in manducatione, sed fide, quia
credo hoc corpus & sanguinem pro me traditum,
Matt. 26. Memoria non est actus crucis.

C Q M.